

Поученіе митрополита рускаго Никифора въ недѣлю сыропустную въ церкви ко игуменомъ и ко всему іерейскому и діаконьскому чину и къ мірскимъ людямъ.

(об. 226) Велихъ поученій, о любимицы и возлюбленныя мидѣти о Христѣ, языкомъ своимъ бесѣдовати къ вамъ и водою его напоити благою вашу землю и землю плодovitую, глаголю бо ваша душа; по не данъ ми бысть даръ язычный, по божественому Павлу, яко тѣмъ языкомъ творити ми порученная, и того ради безгласенъ, посреди васъ стоя, и молчу много. Потребну же сущу поученію нынѣ приходящихъ ради дней святаго великаго поста, того ради писаніемъ поученію льпо быти размыслихъ. Лѣто убо, возлюбленніи, текій выну и свой кругъ обходя, приведе насъ въ пречестныя дни сіа святаго поста и предъ дверми я положи. Сія дни въ радости примемъ и обще возошемъ съ пророкомъ: прїидѣте, возрадуемся Господеви, воскликнемъ Богу Спасу нашему, предваримъ лице Его исповѣданіемъ и восплачемся предъ Господемъ сотворшемъ насъ, яко той есть Богъ нашъ и мы (л. 227) людіе паствы Его и овца руку Его¹. Никто же да не лишенъ буди добраго пѣніа, никто же да не буди дряхль, но вси тихи и свѣтли, по токмо буди о грѣсѣхъ печаленъ. Аще здѣ постражемъ, да благо мы примемъ; никто же да не мнитъ безъ болѣзни очистити грѣхи и бесъ посту омыти скверны. Очистилъ ты есть Христосъ крещеніемъ и омы твоя скверны: паки ли осквернился грѣхи? паки ли омазася? паки ли огниша ти струны злобы? Прослезися, горко восплачися, воздохни, всяку потерпи страду на земли—леганіе, бдѣніе, неяденіе; крѣпки молитвы покажи, пѣніе, милостыню къ нищимъ, отдаждь должникомъ долги. Аще ли то не мощно, поне да великій рѣзъ остави, еже яко зміа изъѣдаютъ окаянніи убогіа. Аще ли постишися, емлещи же рѣзъ на братѣ, никоея же ти пользы бысть; поста бо ся мниши себе, а мясо ядый,—не мяса овчая, (об. 227) ни инѣхъ скоть, ихже ти повелѣно, по плоть братню, рѣжа его жилы и закалая его злымъ пожемъ—лихоиманіемъ неправедныя мзды тяжкаго рѣза. Смирися смирившагося тебе ради Бога даждь и до рабіаго образа; остави всѣмъ скорби оскорбившимъ тя; отдаждь, елика на нихъ имаши, да ти ся отдадутъ грѣси, да чиста *ти* будетъ молитва и кромѣ поминанія зла. Аще и молится, всеу тружася, всеу алчеть; изо усть бо зло поминяющаго Богъ милостыни не прин-

¹ моя.—² Псал. XC, 1—2. 6—7.

масть: не мое слово се, но слово Христа и Бога, иже дара не приимаеть принесенныхъ къ церкви отъ такового, аще не первіе со братомъ ся смирить, иже и днесь учить ны отдавати грѣхонаденія. Аще бо, рече, оставите чловѣкомъ прегрѣшенія ихъ, оставитъ и вамъ Отець вашъ небесный: аще ли не оставите чловѣкомъ прегрѣшенія ихъ, ни Отець вашъ небесный оставитъ вамъ прегрѣшеній (л. 228) вашихъ ¹. Аще ли тако въ постѣ постражени, яко слово тя учить, сподобинися пѣти съ Давидомъ: растерзалъ еси вретиче мое и препоясалъ мя еси веселіемъ, яко да постъ Тебѣ слава моя и не умилюся ². Вретиче знаменіе есть покаянію; постраданія ради и одного озлобленія Богъ раздараеть прогрѣховное отсѣченіе и препоясаетъ веселіемъ радость же безстрастія, и тогда поемъ Ему во славѣ, иже есть чистою совѣстію, — во славѣ, рече, юже имѣя Адамъ преже преступленія. Облецѣмся въ добраго вретича сего, да препояшемся въ веселіе; потрудимся, да прославимся, да вѣлчася. Трудове ражаютъ славу, дѣла приносятъ вѣнцы; тако бо и Господь рече: въ терѣвнїи вашемъ стяжите душа ваша ³. Потерпимъ и сохранимъ даемья намъ отъ отецъ спитемія ⁴; разумѣемъ и мы, якоже пѣвецъ рече: знаемъ во Іудей Богъ ⁵. Истязуемъ, (об. 228) что рече, но и знаменуетъ: Іудей бо исповѣданіе наречется, и тѣмъ Бога знаемъ. Тѣмъ повелѣваетъ входить во врата Его, во дворы Его съ пѣсньми. Не усраимся явити грѣхи, да не пребудутъ нелицѣпни, да не въ срама мѣсто временнаго вѣчнаго обрящемъ осужденія, да не предъ избранными и ангелы Божїими и всѣхъ отъ вѣка чловѣкъ посраимся; вси бо представемъ судищу Христову и коегождо дѣло огнь искуситъ. Умолимъ Судію преже осужденія, убоимся претимья муки: Богъ не лжетъ — не лстимся, уельнимъ Павла, великія Христовы трубы, днесь пасъ учаща: нынѣ близъ намъ спасеніе, нежели сгда вѣровахомъ; ноць успе, а день приближися: отложимъ дѣла тмѣ и облецѣмся во оружіе свѣта, яко во дни благообразнѣ ходимъ, не объяденіемъ, ни шпанствомъ, ни блуженіемъ, (л. 229) ни прелободѣянїемъ, ни завистію, но облецѣтсея въ Господа нашего Іисуса Христа и плоти угодія не творите въ похотѣхъ ⁶. Ноць есть се житіе любящимъ е и не въ день взирающимъ судный, или свѣта одного вѣка. Возлюбимъ свѣта одного, яко сынове свѣту, походимъ благообразнѣ, яко во дни ходяще; отложимъ дѣла темная и облецѣмся во оружіе свѣта, всю злобу отъ душъ нашихъ отгоняюще, всяку добродѣтель всаждающе; не довѣстъ бо злаго отнествіе, но сотворити доброе истязаетъ. ⁷ Укло-

¹ Мт. VI, 14—15.—² Псал. XXIX, 12—13.—³ Лук. XXI, 19.—⁴ епитемія.—⁵ Псал. LXXV, 2.—⁶ Римл. XIII, 11—14.—⁷ истязуетъ.

нися, рече, отъ зла и совори благо не возлюбленіемъ, ни блужденіемъ. Здѣ, у слова сего пришедь, зазираю пѣкія, яко божественному ученію христопронувѣдника апостола не внимающе; извѣствуютъ извѣты во грѣсѣхъ, дерзающе глаголати, яко во ¹ піянствѣ ничтоже зла творимъ, сугубы себѣ приобрѣтающе грѣхи, якоже піянствомъ побѣждаемъ и яко да его (об. 229) срамоты убѣждать. Слышите апостола глаголюща, піянство нарицающе матеръ всякоя злобы и всякоя нечистоты и блуда, а ты ничтоже согрѣшати глаголеши. Піянство волный бѣсъ, піянство дщи діаволя, піянство уму смерть; погубивый бо умъ скотины нуци есть. Скоти бо, разумъ токмо имуци, не погубляютъ его; словесный же данъ ему умъ отъ Бога, любовію питаея, продасть, якоже Исавъ первенство малою ядію; и мертвъ таковый бывъ, и безумень и нечювственъ, и смѣху бысть достоинъ отъ всѣхъ, якоже и Самсонъ отъ иноплеменникъ остриженъ златыхъ онѣхъ власъ отъ иноплеменницы наложницы своей. Аще ли таковымъ и ишѣхъ дѣля речено бысть слово пророческое Исаіино глаголющее: мертвіи живота не имутъ видѣти, ни врачеве могутъ воскресити. Мертвыя убо ты нарицаешь піянствомъ (л. 230) умершихъ; врачевъ же ихъ глаголетъ учителей, иже не могутъ помощи имъ, аще не останутся отъ піянства. Сія апостоль рече, а азъ сказалъ смь, да не своихъ посрамлю: да не буди то, како бо я отъ душа люблю? но да таковое зло отжену отъ нихъ въ постное время—піянство: помогаетъ бо и Господь намъ. Се, возлюбленіи, время пріятно, се день спасенію, се весна душъ нашихъ пріиде: нынѣ бѣси боятся, нынѣ мірскій князь, видя насъ, гѣвается, по зубы свои скрегчетъ и растается, и желаніе его, иже на нашу пагубу, погибнетъ, аще тщимся и бдимъ. Нынѣ божественныя силы аггельскія радуются, нынѣ апостоли веселятся и праведникъ всѣхъ възграются души; реку и большее: и самъ Богъ радуется о нашемъ покаяніи, не хотя нашея смерти, но обращенія ожидаея. Сего ради молюся: времени сего и приходящаго ожидаемъ безвѣстно, аще и не дождемъ, смерть бо урока (об. 230) не иматъ, и луче, еже въ рукахъ благое наче ожидаемаго. Единодушнѣ убо вси на вражію брань приступимъ свялоу Святаго Духа: того бо нашего врага оружія оскудѣша въ конецъ, и тверди его разори Господь, на крестѣ вознесыйся. Дерзайте вси, на подвигъ сей во Христа крещеніемъ облекостесь. Той самъ божественный Павелъ воставляетъ насъ и вооружаетъ, глаголя: облеци-тесь во оружїи Божїи, да возможете стати на козни діаволя ². Станете ³ убо, препоясавше чресла ваша истинною, и обокшесь во броня правды,

¹ въ.—² Ефес. VI, 11—³ станите.

и обувше ноги во уготоваиіе евангелія мира, надъ всѣми вземше щитъ вѣры, о немже возможете вся стрѣлы лукаваго раждеженія угасити, и шлемъ спасенія примите и мечъ духовный, еже есть глаголь Божій. Аще ли въ та оружія облещьмса и тако вооружени ополчимся къ невидимому врагу и ратнику, то посѣчемъ и, добръ вѣмъ, мечемъ духовнымъ (л. 231) и, побѣду примше пашь, чистаго получимъ покоя и дойдемъ въ господскій день истинныя Пасхи, неосужденно причастимся святой Господниа плоти, глаголю, и честныя Его крови въ сій вѣтъ: въ будущій же вѣчныхъ насладимся благъ и сладкаго свѣта оного насладимся и святѣй и богочалнѣй Троицы, въ трехъ составѣхъ воспѣваемѣй и во единомъ Божествѣ поклоняемѣй, иже въ разлученіи неразлучнѣ разлучасмой и въ совокушленіи не разливаемѣй, Ей же подобасть всяка слава, честь и поклоняиіе нынѣ и присно и во вѣки вѣкомъ. Аминь.

И по прочтеніи поученія подпоситъ ключарь ко святителю благословящій крестъ на блюдѣ съ сулагомъ, и святитель, пріемъ отъ ключаря крестъ, благословитъ себе, таже благословляетъ боярина и воеводу и діаконъ и всѣхъ православныхъ христіанъ, а въ то время начинаютъ павечерню и поють з богородичнымъ канономъ поскорю. И того вечера у святителя въ Софійскомъ дому протопопу (об. 231) з братьею на погребъ всходъ.

Въ 1-й понедѣльникъ великаго поста благовѣсть къ заутрени за часъ дни въ Макарьевской колоколь, и поють полунощницу и заутреню по уставу. И отъ сего дни святитель ходитъ во всю первую недѣлю поста на сѣнехъ къ церкви пресподобному Еуфимію ко всякому пѣнію до суботы Федоровы. Благовѣсть въ соборѣ къ часомъ въ началѣ 6-го часа дни въ Макарьевской колоколь. Часы и вечерню и литорцію поють по уставу. Къ нефимону благовѣсть за часъ ночи; нефимонъ поють по уставу.

Во вторникъ и во весь великій постъ къ заутрени благовѣсть за 4 часа дни, а къ часомъ благовѣсть въ началѣ 6-го часа дни, а на 1-й недѣли къ нефимону благовѣсть за часъ ночи, а на прочихъ недѣляхъ благовѣсть за полъ 2 часа ночи. А благовѣстятъ (на полѣ: зри) во весь великій постъ къ заутрени и къ часомъ и къ нефимону въ Макарьевской колоколь и на (л. 232) часѣхъ часы часятъ въ той же Макарьевской колоколь, кромѣ воскресного дни и поліелеосовъ, а въ воскресные дни и въ поліелеосные благовѣстятъ въ большой колоколь къ вечерни и къ заутрени и къ обѣдин. А егда случится поліелеосъ святаго въ простый, въ кой ни буди, день великаго поста, тогда благовѣстятъ въ канонѣ къ часомъ въ Макарьевской